

Scholas pias & laudabiliter
constitutas seminarium esse quoddam
Ecclesiae & Reipublicae, ipsi Vos, Magni-
fice & Nobilissime Dn. Praeses, ceteriq; reverendi, cla-
rissimi, amplissimi, sapientissimiq; Viri, Domini &
Patroni submisse colendi: ipsi Vos, inquam, melius
scitis & consideratis, quam ego vel intelligere vel
verbis exprimere queam. Quin & illud praclare no-
tis, quod fundamentum institutionis puerorum in
Artibus sit Grammatica praesertim vero Latina.
Hic quantum opere desudandum sit docentibus pariter
& discipulis ad annos plerumq; decem, aut amplius
etiam, experiuntur ii qui molestissimo & radiosissimoq;
labori huiusmodi vacare solent.

Causam vero istius difficultatis & tarditatis
progressionum inquisiverunt, superioribus tempori-
bus Viri docti complures in omnibus propè Chri-
stiani orbis partibus & locis. Nec infeliciter qui-
dem invenerunt ac demonstrarunt, totisq; eam ani-
mi & corporis viribus tollere, & in rectam ac pla-
nam ducere viam tum docentes tum discipulos sum-
moperè laborarunt. Verum frustra pleriq;. Semper
enim fuerunt homines invidi & maligni, qui ne tot
annos tam multipliciter errasse, & ab aliis, quos se
inferiores esse censent, aliquid didicisse viderentur,
etiam manifestae Veritati pertinaciter repugnare
ausi sunt: tantum absuit, ut & ipsi, pro eo ac par-
erat, aliquid operae & studii ad repurgandas & po-
liendas